

Motsei Shawwes Tetsawei 5738

- 20 -

Liewi Dande Serafinn-selig in Gén Eidem,

Doù soch'isch un fang à Aich denne Brief im Groùs-Maugem, weit hinterm Lodringe, ze kosfäjene. Awer isch sag's Aich gleich. Ihr brauche ôser kà Kinesinne ze henn iwer das Chajesse in Bariss; s'iss e fremdi Medine, un s'geiht Aich un em Awerhamm selig immer noch besser do driwe in Gén Eidem wie bei uns in dere schaufle Weld. Unser Harriet soll aane behiite vor alli dene Ganaufem, Chadéisem un Chaierrros, wu m'r doù in alle Ecke un Ende, un aach underm Bode, drunde im Medro, andreft. Doù sprengt Jinglisich erum, die henn langi Hoor, wu ne bis uf der Doches runter falle, un die Maadlich sin, unbeschrie, gemalbescht wie fur de Püremball mit gringschminkte Aawedeckel, schwarzi Ledderhosse, un tsegar routgferbti Fiss-un Fingernejel. E scheini chafrüsse, -m'r mecht sie ôser net am Freidigznacht odder am e Yondeff zure Süde braje, chass vecholile.

Awer das wär mr' alles e' -chilik; die Schgautzem solle ewe mache wie sie wolle. S'schlimmschte kummt erscht, mai liewi Dande Serafinn; denn, wenn m'r soù in Baris am Schawwesnachmiddag wie e Kôtzen erumpaziert, wäss m'r nie ob m'r aach widder haam kummt. Iweranmoù schpringt aam' s ganze Droddwar under de Fiss in die Luft mitsamt em Baajes un alles, was drinn schteckt. Pfützigebores! Das ganz Barris iss mit Lecher dorichbohrt wie an ausgedriggelder, alder, dreifener Schwaizerkéés. Im beschte Viertel sin alli Keller vollgschdopft mit Gaas, wo bleide gange iss aus dene alte gebrochene Leidunge vum Johr 1910; doù s'chochent's noch Gaas, dass aam chalausches word! S'braucht dann nor e winzigs Flemmele ze flaggere dort unde drin, in soù em'e umselige Kéller, un schun schprengt de Saten das ganze Maugem hoch in de Himmel, bis ins Wedderloch nein. Mit Sack un Pack fliegt der Benaudem zeruck ze sai Awoséines, bevor er Zeit hot g'het, Shma Ysroïl ze rüfe. Dass ess ka gütter Masematten fer unseri Balbaddem. Vôr soù eme Schlamassel gheit a Chochem am allerbeschte verjifrech: „wait vum Gschitz git's aldi Soldate“, hot als mei Babbe selig gsaat. Nu, in dem Bariss geht's zü wie bei Dodderles, m'r kennt ma neschumme driwer meschugge wä. D'r Mensch iss gar schnell gebejert; uff aan moùl kummt soù ebbes uff aane zü im Lewe, tsegar wenn m'r noch net in Bariss chajest.

D'Lait nifttere aach, wenn se in Seebach dehaam bleiwe. Mei ajener Harle, d'r Lebold-selig, hot m'r emol doù driwer e Moschele vermassert, das ajer Ette, s'Leiserle-selig, bedrift, der sei Kûsin gewenn iss. S'Leiserle-selig hot als mit seim Sack Waar uff em Ricke bei de Chakloom uff'm Land sei Srore verkaaft. D'ganz Wuch lang hot's als bei dene Gojem g'handelt un gschmüst, nur fer de Schawwes iss Es als zeruck zü d'r Mamme uff Seebach haam geloffe, un dort iss dann alles ganz yondeffdig zügange. Awer bei de Gojem hot das arme frumme Leiserle alli Daag kauscheri gsodeni Ajer un soù halb kauscherer Bibbleskéés (tvorekh)) runter g'achelt. Un wie ist das Liedel ausange? „Wupp“, hot's Leiserle gemacht, s'hot ze viel Kées gresse. Vun dem halwerdreifene Kées iss das Leiserle-selig zum Sof arig chaule worre un soù iss es am e scheine Daag geniftert, newisch. You , m'r kann rôjene uff alli Saide, im ganze Aulem wurd aam dess bissel